



V. ERANSKINA

BALIOESPEN IRIZPIDEAK

Aurkeztutako proiektuak balioesteko, honako irizpide eta baremo hauek hartuko dira kontuan:

Balioespenaren 1. fasea: fase honetan balioetsiko da aurkeztutako kultura proiektua deialdi honen helburura egokitzen den. Gehienez 80 puntu.

1. Proiektuak Arabako kultura eskaintzari egiten dion ekarpena Gehienez 21 puntu.

Arabako kultura eskaintzaren testuinguruan, proiektua gauzatzeak zer dakarren balioetsiko da, kalitatearen, kultura eraginaren eta gizarte eraginaren parametroetan, honako banaketa honen arabera:

a. Proiektuaren kultura kalitatea. Gehienez 12 puntu.

Honako gai hauek balioetsiko dira, besteak beste: egindako jardueren kalitate artistikoa eta/edo kulturala, proiektuaren tamaina eta proiektzioa, proiektuaren garrantzia, programa gauzatzean aitortutako edo prestigiozko eragileen presentzia, eta, oro har, aurkeztutako kultura proposamenaren berezko balioarekin zerikusia duten gai guztiak.

b. Kultura eragina, garatzen den herrietan bertan eta kanpoan. Gehienez 3 puntu.

Balorazio handiagoa izango dute kultura ehunari eta azpiegiturari ekarpen esanguratsua egiten dioten proiektuek, bai toki mailan, bai lurralde historikoan, proposamena kokatzen den lurraldeko kultura eskaintzan benetako eragina izan dezaten.

c. Gizarte eragina. Gehienez 3 puntu.

Irizpide hori balioesteko, askotariko gaiak daude, elkarren artean baztertzailak ez direnak, eta positiboki balioetsiko direnak:

- Proiektua askotariko publiko bati zuzenduta egotea, betiere eskaintzen denaren eta xede dituen publikoen arteko koherentziaren barruan.
- Proiektua, oso publiko anitz bati zuzenduta egon gabe, diskriminazio positiboa eta arreta berezia behar duten publiko segmentuetara bideratuta egotea: gazteria, hirugarren adina, etab.
- Proiektuak gizarte dimentsioan zeharka eragitea: gizarte kohesioa, gizarte zubiak sortzea, hiri eta natura espazioaren eraldaketa, etab.

d. Diziplina anitzeko programak. Gehienez 3 puntu.

Diziplinen arteko bat egitea eta zeharkako lana duten proiektuek puntuazio handiagoa lortuko dute. Bestalde, diziplina beraren barruan (sorkuntza, prestakuntza, hedapena, etab.) balio katearen maila batean baino gehiagotan eragina duten programak ere balioetsiko dira.

2. Izaera berritzailea Gehienez 5 puntu, honela banatuta:



Izaera berritzailea	Haztapena
Altua	5 puntu
Ertaina	3 puntu
Ez esanguratsua	0 puntu

Proposamenaren izaera berritzailea honako irizpide hauen arabera balioetsiko da:

- Lurraldean antzeko programarik ez egotea.
- Lurraldean antzeko ezaugarriak dituzten programekiko bereizketa.
- Proposamenaren originaltasuna eta berritasuna.
- Aurkeztutako proposamenaren bilakaera eta berrikuntza, aurreko edizioekin alderatuta.
- Tresnen eta prozesuen berrikuntza, aurreko edizioekin alderatuta, edo antzeko programekin alderatuta.

Irizpide horiek ez dira elkarren baztertzailerak, eta ez da beharrezkoa izango guztiak betetzea gehieneko puntuazioa lortzeko, betiere betetzen direnak modu esanguratsuan betetzen badira.

3. Kultura proposamenaren ibilbidea eta sendotzea denboran. Irizpide honek laguntzaren xede diren jardueren edizio kopurua balioetsiko du. Gehienez 5 puntu, honela banatuta:

Edizio kopurua	Haztapena
10 edizio baino gehiago	5 puntu
4-10 edizio artean	3 puntu
3 edizio	puntu 1

4. Aurkeztutako proiektuaren kalitate teknikoa. Gehienez 16 puntu, honela banatuta:

- a. Proiektuaren oinarria. Lortu nahi diren helburuen deskribapen koherente eta argia. Gehienez 5 puntu.

Aurkeztutako helburuen argitasuna eta koherentzia balioetsiko dira, bai orokorrena, bai espezifikoena. Oro har, proiektuaren dokumentuaren idazketaren, egituraketaren eta aurkezpenaren kalitatea balioetsiko da.

- b. Jardueren metodologia eta plangintza, gauzatze egutegia barne. Gehienez 4 puntu.

Jarduerak aurkezteko zehaztasuna eta xehetasuna balioetsiko dira, baita jardueren aurretik, aldi berean eta ondoren egin beharreko ekintzak ere. Kronograma da sistema ideala, baina beste metodo batzuk erabiltzeko aukera aurreikusten da.

Egin beharreko jarduera guztiak zehaztasunez ezagutu ezin diren kasuetan, garatu beharreko jardueren eta zereginen egituraketa eta zehaztapena, ahalik eta zehatzena, ere puntuatuko da.

- c. Jarraipena eta ebaluazioa. Gehienez 5 puntu.

Ebaluazioaren atala gehieneko puntuazioarekin balioesteko, besteak beste, alderdi hauek jaso beharko lituzke:

- Ebaluazioaren garrantzia eta egokitasuna, proiektuari dagokionez.
- Ebaluazioa egingo duten eragileak.

- Ebaluatu beharreko alderdiak, aurretik azaldutako helburuekin lotuta.
- Adierazleak, helburuen betetze maila ezagutzeko.
- Datuak biltzeko eta ebaluatzeko tresnak.

d. Beharrezko baliabide materialak eta giza baliabideak berariaz zehaztea. Puntu 1.

Puntu batekin balioetsiko dira lantaldea eta baliabide materialak modu generikoan azaltzen dituzten proiektu guztiak.

e. Programaren komunikazioa eta zabalkundea. Puntu 1.

Puntu batekin balioetsiko dira hedabideak eta zabalkunderako kanalak aipatzen dituzten proiektu guztiak.

5. Proposamenaren finantzaketa eta bideragarritasuna. Proposamenak finantzaketa propioko maila ona izatea balioetsiko da; izan ere, horrela, bideragarritasun ekonomikoa handiagoa izango da, eta ez da dirulaguntzaren hain mende egongo gauzatu ahal izateko. Gehienez 7 puntu.

Beraz, diruz lagundu daitekeen aurrekontu osotik eskatutako ehunekoa zenbat eta txikiagoa izan orduan eta handiagoa izango da atal honetako puntuazioa. Gehienez 7 puntu (balio hamartarrak hurbileneko balio osora biribilduko dira, edo entitate eskatzailearentzako komenigarrienera), honela banatuta:

Diruz lagundu daitekeen aurrekontutik eskatutako ehunekoa	Haztapena
35etik beherakoa	7 puntu
35-45 artean	5 puntu
46-55 artean	3 puntu
55 edo gehiago	0 puntu

Finantzaketa eta bideragarritasun maila kalkulatzeko, formula hau aplikatuko da:

(Diruz lagun daitekeen eskatutako aurrekontua/Diruz lagun daitekeen aurrekontua guztira) x 100

6. Proiektua garatuko den herrian edo herrietan ezarritako lankidetza sareak zehaztea. Irizpide hau balioetsiko da inplikaturako eragileek programa gauzatzen parte hartzen dutela egiaztatzen duen gutuna edo adierazpena aurkeztzen bada, bestela ez. Gehienez 5 puntu.

Lankidetza kopurua	Haztapena
Tokiko 3 lankidetza baino	5 puntu
Tokiko 3 lankidetza	3 puntu
Tokiko 2 lankidetza	2 puntu
Tokiko lankidetza 1	puntu 1

Lankidetza bat kontuan hartzeko, zenbait alderdi hartu behar dira kontuan:

- Tokiko eragileak izan behar dute, jarduerak egiten diren Arabako udalerrietan finkatuak.
- Laguntzaile bakoitzak sinatutako gutun edo adierazpen bat egon behar da.
- Ez dira kontuan hartuko ekarpen ekonomikoa baino ez duten lankidetzak.

- Era berean, ez dira kontuan hartuko ondoren faktura bat egitea dakarren zerbitzu baten prestazio hutsa diren lankidetzak.
- Lankidetzaren oinarria sareak eraikitzea, sinergiak bilatzea eta abar izan behar da.

7. Programa Araban eta Trebiñuko enklabeen garatzeko lurralde eremua (atal honetan ez da balioetsiko Arabatik kanpo jarduerak egiteko aukera). Gehienez, 21 puntu. Puntuaren banaketa ondoko eskala honen arabera egingo da:

Lurralde eremua	Puntuazioa
Gasteizko udalerrian bakarrik egindako programak.	5 puntu
Nagusiki (gutxienez, programaren % 50) Gasteizen garatutako programak, Gasteiz ez diren Arabako udalerrietan egindako jarduerekin	7 puntu
Udalerri bakar batean garatutako programak, Gasteiz ez dena eta biztanle gutxiko edo populazio sakabanatuko udalerria ez dena.	12 puntu
Udalerri bakar batean garatutako programak, Gasteiz ez dena eta biztanle gutxiko edo populazio sakabanatuko udalerria ez dena.	15 puntu
Udalerri batean baino gehiagotan egiten diren programak, biztanle gutxiko edo populazio sakabanatutako udalerrietan programaren ehuneko 50 baino gutxiago garatuz.	17 puntu
Udalerri batean baino gehiagotan egiten diren programak, gutxienez programaren ehuneko 50 biztanle gutxiko edo populazio sakabanatutako udalerrietan garatuz.	21 puntu

Beren ezaugarriak direla-eta, oraingoz argi eta garbi zehaztutako lurralde eremu bat ezartzea zaila den programetan (sorkuntza programa hutsak, edo Internet bidez hedatzen diren programak, argi eta garbi zehaztutako lurralde objektiborik gabe, besteak beste), puntuazioa baremo honen arabera emango da:

Gasteizko udalerrian garatutako programak.	8 puntu
Gasteiz ez den udalerri batean garatutako programak, biztanle gutxiko edo populazio sakabanatuko udalerria ez dena.	12 puntu
Biztanle gutxiko edo populazio sakabanatuko udalerrian garatutako programak.	16 puntu

Deialdi honen ondorioetarako, eta soilik horretarako, biztanle gutxiko edota populazio sakabanatutako udalerriak izango dira 1.000 biztanletik behera dituztenak edo 1.000 eta 3.000 biztanle artekoak, baldin eta 10 biztanlegunez edo gehiagoz osatuta badaude. INEren 2023ko urtarilaren 1eko Populazio Unitatekako Errolda Jarraituko biztanleriari buruzko datuen arabera, hauek dira: Son los siguientes:

Kuadrilla	Udalerria	Biztanleguneak	Biztanleak, guztira
AÑANA	Añana	2	156
	Armiñon	3	232
	Berantevilla	8	451
	Erriberagoitia	25	828
	Kuartango	20	401
	Gaubea	30	1.066

	Zanbrana	4	422
	Lantaron	12	938
ARABAKO LAUTADA	Asparrena	10	1.609
	Barrundia	14	897
	Burgelu	6	638
	Iruraiz-Gauna	11	541
	Donemiliaga	15	726
	Zalduondo	1	196
AIARA	Aiara	24	2.918
TREBIÑUKO ENKLABEA	Trebiñu	47	1.479
	Argantzón	2	552
GORBEIALDEA	Arratzua-Ubarrundia	11	1.043
	Urkabustaiz	12	1.434
	Zigoitia	18	1.821
	Zuia	13	2.343
GUARDIA - ARABAKO ERRIOXA	Mañueta	1	295
	Eltziego	1	964
	Bilar	1	313
	Kripan	1	174
	Lantziego	3	708
	Lapuebla de Labarca	1	865
	Leza	1	220
	Moreda Araba	1	208
	Navaridas	1	197
	Samaniego	1	305
	Eskuernaga	1	285
	Iekora	1	249
ARABAKO MENDIALDEA	Arraia-Maeztu	18	812
	Bernedo	13	540
	Harana	4	219
	Lagran	3	172
	Urizarra	6	302

Aurreko irizpideen balioespenean gutxienez 50 puntu lortzen dituzten proiektuak balioespenaren 2. fasera igaroko dira. Gainerako proiektuak baztertu egingo dira.

II. Balioespenaren 2. fasea: fase honetan zeharkako irizpideak balioetsiko dira, hala nola hizkuntza ofizialak erabiltzea eta genero ikuspegia kontuan hartzea, baita gizarte eta ingurumen irizpideak ere. Gehienez 20 puntu.

1. Euskara erabiltzea programaren garapenean Gehienez 5 puntu, honela banatuta:

- a. Programan euskararen erabilera sustatzeko helburu eta ekintza espezifikoak sartzea. Gehienez 3 puntu. Besteak beste, alderdi hauek puntuatuko dira:

- Euskararen zeharkako presentzia eta euskararen erabileraren sustapena programan.
- Entitatearen ibilbidea eta sendotzea euskararen sustapenean.
- Euskara sustatzeko eta erabiltzeko ekintza eta estrategia zehatzak.
- Testuinguru erdaldunetan euskara pixkanaka txertatzeko ekintza eta estrategia zehatzak.

- b. Euskara erabiltzea programaren garapenean Gehienez 2 puntu.

Bi punturekin balioetsiko da proiektuaren ehuneko esanguratsu bat (erdia, gutxienez) euskaraz egitea. Puntu batekin balioetsiko da programaren zati bat euskaraz egitea. Ez da balioetsiko euskara aurkezpen eta hitzaldi elebidunetan soilik sartzea anekdotikoki, testuinguruak justifikatzen duenean izan ezik. Inola ere ez da balioetsiko kartel elebidunak jartze hutsa, baina testuinguruaren arabera balioetsi ahal izango dira euskaraz egindako erreportaje, bideo eta zabalkunderako beste elementu batzuk.

2. Ezberdintasunak ezabatzeko eta emakumeen eta gizonen berdintasuna sustatzeko neurriak. Gehienez 5 puntu, honela banatuta:

- a. Programan sartzea emakumeen eta gizonen arteko desberdintasunak ezabatzeko eta berdintasuna sustatzeko helburu eta ekintza espezifikoak. Gehienez 3 puntu.

Berdtintasuna sustatzeko ekintza zehatzak puntuatuko dira, bai eta gai horrek proiektuaren edukietan eta jardueretan duen zeharkako presentzia ere. Ekintza espezifikoak izan behar dute.

- b. Emakumeen kontratazioa eta parte-hartze profesionala programa gauzatzean. Gehienez 2 puntu.

Ordezkaritza orekatua puntu batez balioetsiko da. Diskriminazio positiboa, birekin.

3. Programan tolerantzia, gizarteratzea eta kultura aniztasuna sustatzen dituzten helburuak eta ekintzak sartzea. Gehienez 5 puntu, honela banatuta:

- a. Pertsona eta talderik kalteberenei arreta berezia ematen dieten programak, pertsona eta talde horiei jardueretan sartzeko eta parte hartzeko aukera ematen dieten ekintza espezifikoak bidez. Gehienez 3 puntu.

Puntuatuko da kolektibo kalteberei edo arreta berezia behar dutenei (gizarte-bazterkeria jasateko arriskuan dauden pertsonak, hirugarren adinekoak, dibertsitate funtzionala duten pertsonak, osasun mentaleko arazoak dituzten pertsonak, etab.) sartzeko oztopoak kentzea.

- b. Tolerantzia, gizarteratzea eta kultura aniztasuna nabarmentzen dituzten mezuak zabaltzen dituzten programak. Gehienez 2 puntu.

Gai horiek programaren edukian duten zeharkako presentzia bi punturekin balioetsiko da. Puntu batez balioetsiko da mezu horiek programaren edukian sartzea.

4. Ingurumen irizpideak. Gehienez 5 puntu.

- a. Ingurumen hezkuntza sustatzearekin lotutako ekintza espezifikoak. Gehienez 5 puntu.

Zehazki, honako hauek balioetsiko dira:

- Zeharkako presentzia programaren edukietan. Ingurumenaren zaintzari buruzko sentsibilizazioa.
- "Zero hondakinaren" filosofia aplikatzea proiektua gauzatzean, proiektuaren ingurumen inpaktua murrizteko neurrien bitartez. Tokiko banatzaileak, "0 KM".

Neurri txikiagoan balioetsiko dira honako hauek:

- Ingurumen hezkuntzara bideratutako ekintza txikiak. Zenbat eta ekintza gehiago, orduan eta puntuazio handiagoa.
- Proiektuaren ingurumen inpaktua murrizteko neurriak sartzea. Zenbat eta neurri gehiago, orduan eta puntuazio handiagoa.
- Entitatearen ibilbidea eta sendotzea ingurumenaren dibulgazioan.
- Proiektua natura ingurunearekin lotzea.

Dirulaguntza emateko proposamenean, bi faseak batuta gutxienez 60 puntuko balioespena lortzen duten eskaerak bakarrik sartuko dira.